



Broj: 16-12-16-5014- 10 /21
I. Sarajevo, 23.08 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-5014/21 od 12.08.2021. godine, u postupku javne nabavke usluga ručnog pranja vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
usluga ručnog pranja vozila za potrebe Državne agencije za istrage i zaštitu za LOT 1 i LOT 2

Član 1.

U postupku javne nabavke usluga ručnog pranja vozila za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-5014/21 od 12.08.2021. godine, okvirni sporazum, na period od dvije godine dodijeljuje se za:

- LOT 1 - Sukcesivno pružanje usluga ručnog pranja vozila na području Istočnog Sarajeva ili Grada Sarajeva, ponuđaču „ZUR Autopraonica KANEBO“ Istočna Ilidža, ponuda broj 16-12-16-5014-8/21 od 27.07.2021. godine, za ponuđene jedinične cijene iz tehničke specifikacije u ukupnom iznosu od 114,00 KM bez uračunatog PDV-a i

- LOT 2 - Sukcesivno pružanje usluga ručnog pranja vozila na području Grada Banja Luke, ponuđaču „Autopraonica DOBRO“ s.p. Banja Luka, ponuda broj 16-12-16-5014-7/21 od 27.07.2021. godine, za ponuđene jedinične cijene iz tehničke specifikacije u ukupnom iznosu od 379,02 KM bez uračunatog PDV-a.

Član 2.

(1) U predmetu nabavke (tehničkim specifikacijama) date su jedinične cijene ručnog pranja, a prema vrstama vozila.

(2) Ugovorni organ će zaključiti okvirni sporazum sa jednim ponuđačem za svaki LOT posebno, a vrijednost okvirnog sporazuma će biti procijenjena vrijednost nabavke ručnog pranja vozila.

(3) Stvarna količina pranja vozila zavist će od potreba Agencije i ne može preći procijenjenu vrijednost nabavke, odnosno vrijednost okvirnog sporazuma za period od dvije godine.

(4) U toku realizacije okvirnog sporazuma primjenjivaće se jedinične cijene a na način kako je to navedeno u članu 1. ove odluke.

Član 3.

(1) Ponuđač „Autopraonica DOBRO“ s.p. Banja Luka obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 4.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 5.

Za izvršenje ove odluke zadužuje se Sektor za materijalno-finansijske poslove Agencije.

Član 6.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-5014-1/21 od 30.06.2021. godine pokrenut je postupak javne nabavke usluga ručnog pranja vozila za potrebe Državne agencije za istrage i zaštitu, procijenjene vrijednosti 42.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-2-180-3-61/21 od 14.07.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine („Službeni glasnik BiH“, broj 22/21) i Dokumenta okvirnog budžeta 2021. - 2023. godina. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - Ručno pranje vozila na području Istočnog Sarajeva ili Grada Sarajeva, procijenjene vrijednosti u iznosu od 27.000,00 KM bez uračunatog PDV-a;
- LOT 2 - Ručno pranje vozila na području Grada Banja Luka, procijenjene vrijednosti u iznosu od 5.000,00 KM bez uračunatog PDV-a;
- LOT 3 - Ručno pranje vozila na području Grada Tuzle, procijenjene vrijednosti u iznosu od 5.000,00 KM bez uračunatog PDV-a;
- LOT 4 - Ručno pranje vozila na području Grada Mostara, procijenjene vrijednosti u iznosu od 5.000,00 KM bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 27.07.2021. godine do 13,00 sati, te da se ponude dostavljaju u zatvorenoj koverti, Komisija je dana 27.07.2021. godine u 14,00 sati izvršila javno otvaranje ponude prema datumu i vremenu prijema, numerišući kovertu. Javnom otvaranju ponuda prisustvovao je ovlašteni predstavnik ponuđača ZUR Autopraonica “KANEB0” Istočna Ilidža.

Blagovremeno su dostavljene ukupno dvije ponude i to:

R/B	Naziv ponuđača	LOT	Zbir jediničnih cijena iz tehničke specifikacije bez uračunatog PDV-a
1.	„Autopraonica DOBRO“ s.p. Banja Luka	LOT 2	379,02 KM
2.	„ZUR Autopraonica KANEBO“ Istočna Ilidža	LOT 1	114,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „Autopraonica DOBRO“ s.p. Banja Luka i „ZUR Autopraonica KANEBO“ Istočna Ilidža, ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu.

Kako je Konkurentskim zahtjevom za postupak javne nabavke usluga ručnog pranja vozila za potrebe Agencije predviđeno provođenje e-aukcije u skladu sa Pravilnikom, da je i za LOT 1 i LOT 2 zaprimljena jedna prihvatljiva ponuda, Komisija za navedene lotove nije zakazala e-aukciju već je postupak javne nabavke za navedene lotove okončan u skladu sa članom 69. Zakona, primjenjujući kriterij najniže cijene tehnički zadovoljavajuće ponude iz tačke 8.1. Konkurentskog zahtjeva i sačinila rang listu ocijenjenih ponuda, kako slijedi:

R/B	Naziv ponuđača	LOT	Zbir jediničnih cijena iz tehničke specifikacije bez uračunatog PDV-a
1.	„ZUR Autopraonica KANEBO“ Istočna Ilidža	LOT 1	114,00 KM
2.	„Autopraonica DOBRO“ s.p. Banja Luka	LOT 2	379,02 KM

Komisija je utvrdila da je ponuda ponuđača „ZUR Autopraonica KANEBO“ Istočna Ilidža ocijenjena kao najpovoljnija ponuda za LOT 1, dok je ponuda ponuđača „Autopraonica DOBRO“ s. p. Banja Luka ocijenjena kao najpovoljnija ponuda za LOT 2. Komisija napominje, da su u predmetu nabavke date jedinične cijene ručnog pranja vozila s obzirom da Agencija ne može znati koliko će biti ukupno pranja istih, za period od dvije godine na koji se zaključuje okvirni sporazum. Takođe, Komisija ističe da će Agencija zaključiti okvirni sporazum sa jednim ponuđačem za svaki LOT posebno te da će vrijednost okvirnog sporazuma biti procijenjena vrijednost nabavke ručnog pranja vozila, kao i da odabrani ponuđač ima obavezu pranja vozila po jediničnim cijenama koje su naveli u svojim ponudama, s tim da će stvarna količina pranja vozila zavisi od potreba Agencije i da ne može preći procijenjenu vrijednost nabavke, odnosno vrijednost okvirnog sporazuma.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum, na period od dvije godine dodijeli ponuđaču „ZUR Autopraonica KANEBO” Istočna Ilidža za LOT 1 i ponuđaču „Autopraonica DOBRO“ s. p. Banja Luka za LOT 2, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

